

Prozesciun de Jenn ai 2, 3 y 4 de jügn 2022

- Deache al n'é chisc dis nia scora, é ince i mituns enviés da jí en Jenn, samben tan ennant ch'ara va.
- Düc é der bel racomanés da perí y cianté con devoziun y fedel!
- I tignun sō n bun comportament y se iestun da pelegrins (nia braies cōrtes).
- No stede a ciacolé tla prozesciun o disturbé a val' maniera. Orun ince desmostré cherianza tles ostaries, boteghes y tles ciases co se dá alberch.
- Romagnun tal medemo post tla prozesciun y pal medemo compagn. An se fej plü saurí da se meter sō canche an peia endō ia.
- Chi co dij dant stá amez la prozesciun. Tolesse la spatenōra!
- Al gnará endō partí fora en picio liber con cianges y oraziuns.
- **Al ven recordé desche les zeches se met sō por la prozesciun:**
cina sōn Antermeia: Curt - Pliscia - La Pli.
da Antermeia demez: La Pli - Pliscia – Curt,
da gní a ciasa vegnel endō baraté da Antermeia demez.

1 Enformaziuns y termins

KVW Senioreclub: en dedemesaledema ai 1 de jügn junse con le Mareo Bus dal Cone demez ales 9:17 cina a Falzes y danló a pé cina Irenberg, saorí da jí (jita tomada fora ai 25 de ma).

Ciasa de Palsa: al ven lascé alessei che dai 1 de jügn ennant sará i ufizi daverc al publich dertan chisc orars:
dal lõnesc ala jōbia: dales 9:00 ales 12:30 y dales 13:30 ales 16:30;
vendres: dales 9:00 ales 12:30.

La Scora de Musiga Val Badia envieia der bel al concert de concluiun te dlijia y defora en lõnesc ai 30 de ma a Al Plan, ales 17:00 te dlijia y ales 18:00 sōn paiun.

Apoteca: Al ven lascé alessei che l'apoteca d'Al Plan sará slüta dai 2 ai 12 de jügn. Chi co adora ciamó patüc da cumpré ete, é enviés da ponsé adora assá.

**L'amur cristian n'aspeta nia cina che n püre te preia,
mo al deida belo denant.**

Maximilian I.

Döt le bun a:	Oliva Ellemunter ved. Ellecosta	* 29.05.1926
	Angela Pedevilla, <i>Bornech</i>	* 30.05.1939
	Oliva Willeit Daberto, <i>Fodom</i>	* 02.06.1947
	Pepi Erardi	* 03.06.1931
	Bonifazio Willeit, <i>Balsan</i>	* 04.06.1941
	y a düc chi co á santennom y compless i agn cōst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns: cina le dedemesaledema sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org



Plata dla Ploania
La Pli de Mareo
Santa Maria dal Bun Consei

Ploan: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 Mhz

UNITÉ PASTORALA



VAL BADIA
www.unitepastorala.org

Ann C

29.05.2022 - GRAN FESTA DL'ASCENSIUN DAL SIGNUR
PALSACRUSC

n. 27

La prejenza de Gejú Crist

📖 St.Ap 1, 1–11 | Ef 1, 17–23 | Ebr 9, 24–28; 10, 19–23 | Lc 24, 46–53

Dal Vangelo do San Lūca:

Te chel tomp ⁴⁶ti á Gejú dit a sū discepui: Ensciō stál tla Scritōra: Le Messia sofrirá y ressoriará dai morc le terzo de, ⁴⁷y te so ennom ti encündaran a düc i popui, metern man te lerúsalem, che ai dess dé ota, por che sū picés vegni pordenés. ⁴⁸De cōsc seise os mi testimoni. ⁴⁹Y iu ves orciará jō sōn os la scincunda che mio Pere ves á empormetü. Romagnede tla ciüté, cina ch'i ne gneis nia empls con la forza dal alt. ⁵⁰Spo i ál condüt fora dlungia Betánia. Danló ál alzé söes mans y i á benedí. ⁵¹Y dertan ch'al i benedia, i ál lascé y é gnü alzé sō cuntra ci. ⁵²Mo ei s'á enlené a l'adoré. Spo é sai jüs con gran ligreza derevers a lerúsalem. ⁵³Y ai ea tres tal templ y laldâ Idio.

I ponsun do: *Gonot ponsunse do ci ch'i desson fá por che la Parora dal Vangelo pói slarié fora sōa forza de vita te nostes families, te nosta comunité y sora dōt le monn. La Parora de Gejú a sū discepui se dij ch'i n'án nia bria da se lascé ma sōn la forza umana, mo al s'empormet na forza dal alt. Deache i ciafun cōsc aiüt podunse encündé la Parora de Chel Bel Dio con ligreza.*

I periun: *Dio onipotent, to Fi jü al Ci romagn pa nos tla comunité dla Dlijia. Dasse creta tal aiüt dal Spirit Sant y deidesse ester testimoni de Crist. Por El, co vir y regneia con té t'eternité. Vesco Wilhelm Egger "Sonntagsbibel"*



📖 *Letōres dla gran festa de Pasca de ma:*
St.Ap 2, 1–11 | 1 Cor 12, 3b–7.12–13 | Jan 20, 19–23

Edema liturgica dai 29.05. ai 05.06.2022

DOM 29.	GRAN FESTA DL'ASCENSIUN DAL SIGNUR – PALSACRUSC De mondial dai mesi de comunicaziun soziai
08:30	→ <i>sön paiun</i> , gran messa por dōta la ploania <i>oferta por la ploania</i> s.m. en onú de San Florian en ocajiun dal iubileum "125 agn Stödafüs d'La Pli" 10:00 <i>s.m. a Al Plan</i>
Lön 30.	<i>beat Otto Neururer, Ferdinand</i> → 14:00 s.m. de sopoltōra dal † Hubert Frontull, Casun
Ded 31.	<i>Petra, Petronila, Metilde, Aldo</i> 07:30 s.m. de rengraziamont dla fam. Eduard y Maria Ellecosta, Simele s.m. en onú de Santa Maria y Sant'Ojep por na porsona amarada s.m. por vis y †† dla fam. Pedevilla, Sorōa s.m. por vis y †† Rovara d'Aroth
Dem 01.	<i>Iustin, Sciomun</i>
Jōb 02.	<i>Marcellinus y Petrus, Stefan, Armin - de d'oraziun do vocaziuns</i> → 06:45 s.m. do intenziun y en onú dal Spirit Sant con nosc vesco Ivo 2ª s.m. de sopoltōra por † Hubert Frontull, Casun 07:30 peia ia la prozesciun de Jenn → 19:00 corona por perié do vocaziuns
Ven 03.	<i>prōm vendres - Karl Lwanga y compagns, Oliva</i>
Sab 04.	<i>Clothilde, Crista, Quirin, Werner</i> <i>degūna messa da doman</i>
DOM 05.	GRAN FESTA DE PASCA DE MA <i>Bonifaz, Igor, Ferdinand</i>
08:30	gran messa por dōta la ploania <i>oferta por la ploania</i> s.m. de rengraziamont por i agn de matrimone de Jan y Maria Ellemunter s.m. por les families Ritsch, Tomele da Rara s.m. por † Maria Ellecosta Brunner, Lūchesc/Valdaora → ores d'adoraziun: do messa cina les 10:30 Curt, dales 10:30 ales 11:30 La Pli y Pliscia 14:00 espi da festa y benedisciun eucaristica 10:00 <i>s.m. a Al Plan</i>
<i>ampola:</i>	por la sanité

<i>ministronc:</i>	• dedolōnesc y sabeda: Veronica y Marco • jōbia y domegna: Daniel y Rosina
--------------------	---



Via Lucis – Le tru dla lōm (6)

11ª Staziun: Gejú mena fora i discepui a encündé le vangelo

I t'adorun, Gejú rosserí y i te rengraziun. *Con tōa ressozeziun i aste dé vita nea al monn.*

I ònesc discepui é jüs tla Galilea sön che munt che Gejú ti á dit. Y canch'ai á odú Gejú, s'ai enlené dan da d'el. Mo n valgügn dubitá. Danló ti é Gejú jü pomez y ti á dit: A me m'él dé dōta la potesté tal ci y sōla tera. Porchel jide da dūc i popui y fajede fora de dōta la jont mi discepui; bacédi tal ennom dal Pere y dal Fi y dal Spirit Sant, y ensignedi da osservé dōt ci ch'i ves á dé sō. Ciarede: lu sun con os, dūc i dis cina ala fin dal monn. *(Mt. 28, 16 ...)*

Gejú rosserí, con le bato y la confirmaziun sunse ince iu gnü en to discepul. Lascemo sontí che tō es con me, spo arái le coraje y la forza da fá ci che tō m'as ensigné. – I te preii, o Signur!

God y ralegreiete, oh vergine Maria, alleluia!
Ciodiche le Signur é veramonter rosserí, alleluia.

12ª Staziun: Gejú va sō al ci

I t'adorun, Gejú rosserí y i te rengraziun. *Con tōa ressozeziun i aste dé vita nea al monn.*

Spo i ál condūt fora dlungia Betánia. Danló ál alzé sōes mans y i á benedí. Y dertan ch'al i benedia, i ál lascé y é gnü alzé sō cuntra ci. Mo ei s'á enlené a l'adoré. Spo ésaí jüs con gran ligreza derevers a Ierúsalem. Y ai ea tres tal templ y laldá Idio. *(Lc 24, 50...)*

Gejú rosserí, tōa misciun sōla tera é roada. Tō es jü tla ciasa de to pere a arjigné ca en post ince por me. Deidemo recordé che tō es le tru y la verité y la vita. – I te preii, o Signur!

God y ralegreiete, oh vergine Maria, alleluia!
Ciodiche le Signur é veramonter rosserí, alleluia.



Vita de ploania y de paisc



Sc'i sun morc con Crist, viarunse ince con el. *(San Paul)*

La ploania d'La Pli tol comié da **Hubert Frontull** († 27.05.2022, 52 agn) y ti fej les condolianzes ai familiars por la mort dal mōt, compagn, pere, y fre. La vita eterna dáí, Signur, y confortele con to lominus!